



F 8373372

"EUSKALGINTZA ELKARLANEAN" FUNDAZIOAREN ESTATUTUAK

I. KAPITULUA. XEDAPEN OROKORRAK

1. Artikulua. Sorkuntza, izena eta iraupena.

"EUSKALGINTZA ELKARLANEAN" izenaz, izaera pribatu eta mugarik gabeko iraupeneko Fundazio kultural eta soziala sortzen da.

2. Artikulua. Eraentza juridikoa, nortasun eta gaitasun juridikoak.

Fundazioak nortasun juridiko propio eta independen-
tea du eta gaitasun juridiko eta iharduteko osoak
izango ditu, hauen muga bakarrak fundatzaileek
Fundazioaren sortzeko egintzan azaldutako borondatea-
ren adierazpenean, Estatutu hauetan eta aplika
dakizkiokeen lege xedapenetan, bereziki, 12/1994
Legean, ekainaren 17ko Euskal Herriko fundazioei
buruzkoan, ezarritakoak dituela.

3. Artikulua. Fundazioaren helburuak betetzea.

Fundazioaren helburuak eta hauei dagokien guztia
betetzea Fundazioaren Patronatu Zuzentzailearen
ardura da, aurreko artikulua aipatutako mugen



EUSKAL GOBIERNO YAG
JUSTIZIA, EKONOMIA
ETA GIZARTE SEGURATASUNA
Euzkadi Herriko Fundazioak
DEPARTAMENTO DE
GOBIERNO YAG
Región de Euzkadi

2
barnean.

4. Artikulua. Lurralde-eremua.

Fundazioaren iharduera Euskal Herrian gauzatuko da nagusiki.

5. Artikulua. Egoitza.

"EUSKALGINTZA ELKARLANEAN" fundazioaren egoitza Txofre Plaza, 6-6. A, 20001 Donostian (Gipuzkoa) dago, nahiz eta Patronatu Zuzentzaileak berori aldatzeko gaitasuna izango duen. Fundazioa, Patronatuak hala erabakiz gero, beste herritan ere kokatu ahal izango da, bere lana garatu ahal izateko etxe eta lan-guneak sortuz.

6. Artikulua. Helburua

"EUSKALGINTZA ELKARLANEAN" Fundazioaren helburua euskararen eta euskal kulturaren sorkuntza, sustapena eta garapena modu eraginkorrean bultzatzea da.

Horretarako euskal herritar guztion partaidetza eta euskara eta euskal kultura sortu, garatu, zabaltu eta indartu egin nahi duten guztien lankidetzak eskuratu nahi du. Horretan ere, arreta berezia izango du Fundazioak euskal kulturarentzat azpiegitura eta egiturak garatzean.


Era berean, Fundazioak euskal eta beste kulturen arteko elkar-eragintza eta ezagutza bultzatuko du eta



EUSKO JAURLARITZA
GOBIERNO VASCO

JUSTIZIA, EKONOMIA, LAN
ETA GIZARTE SEGURANTZA SAIA
Euskal Herria Fundazioen Erregimena

DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Regimeno de Fundaciones del Pais Vasco



F 8373373

baiza ere, euskal kulturaren normalizazio bideak indartuko.

7. Artikulua. Helburuaren garapena.

Fundazio-helburuari dagozkion iharduerak, egoki deritzon eran burutu ahal izango ditu Fundazioak, beste zenbait entitate edo erakundetan parte hartzea barne, muga bakarrek legeak aurrikusitakoak edota Sortze-Gutunean edo Estatutu hauetan jasotako aurrikuspenetatik ondoriozta daitezkeenak izango dira bakarrik.

Honela bada, Fundazioak bere helburuen garapena honako era hauetan egin ahal izango du, legeak ezartzen dituen mugen barruan betiere:

a) Fundazioak berak zuzenean, bere organoen bidez, Patronatuak aldizka prestatu eta onartu behar duen iharduera-egitasmoa gauzatu.

b) Zeharka, beste zenbait entitate, elkarte eta erakundetan parte hartuz.

c) Legeak baimentzen dituen beste Fundazio, Elkarte, Koperatiba, Sozietate edo beste edozein



GOBERNADOREA
GOBERNADORA
JUSTIZIA, EKONOMIA ETA
ENBIZIA
DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Registro de Fundaciones del País Vasco

izaeratako entitateak sortuz edo sortzen lagunduz.

d) Fundazioaren helburuak betetzeko baliagarri izan litezkeen beste entitate edo pertsona juridiko edo fisikoen ihardueretan parte hartuz, bereziki Fundazioaren inguruneak direnean.

e) Xede hauek lortu asmoz, Fundazioak laguntza ekonomikoa eta aholkularitza eta lankidetzak profesiona-
nala eskaini edo eman ahal izango ditu. Era berean,
bere helburuak bete ahal izateko, legatu, dohaintza
eta subentzioak ematea sustatuko du.

8. Artikulua. Fundazioaren izaera plurala.

Fundazioak, bere helburuekin koherentziaz jokatzeko
eta helburu horiek ahalik eta ondoen bete ahal
izateko, izaera plural eta apolitikoa duen entitate
bezala definitzen du bere burua, edozein talde,
alderdi edo partikularren interes jakinetatik at eta
egon litezkeen diferentzia ideologiko eta politikoen
gainetik. Honela bada, Fundazioak botere publiko eta
partidu politikoekiko independentzia osoa gordeko du.


II. KAPITULUA. KIDEAK

9. Artikulua. Fundazioaren partaideak.

Fundazioaren partaideak kide sortzaileak (fundat-
zaileak ere deituak), atxikiak edo ohorezkoak izan
daitezke.



EUSKO GOBIERNUA
GOBIERNO VASCO
JUSTIZIA, EKONOMIA, LAN
ETA GIZARTE SEGURANTZA
Eusko Herriko Fundazioen Enplegatuak
DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Registro de Fundaciones del País Vasco



F 8373374


10. Artikulua. Kide sortzaileak.

Fundatzaileek Sortze-gutunaren izaera eman ahal izango diote eskritura publikoari, honela, beste zenbait pertsona fisiko nahiz juridikori ere sortzaile-izaera berarekin atxikitzeko aukera emanez. Izaera hau lortzeko, sortze-eskrituran horretarako zehaztuko den epearen barruan egin beharko da atxikipena, betiere, epe hori gehienez ere bost urtekoa dela, aipatutako eskritura publikoa egilesten den datatik aurrera.

Aurrikusitako epe horretan fundatzaile izaera lortzeko egindako eskaerak Patronatuko kideen hiru laurdenen aldeko botoaz onartuak izan beharko dute. Patronatuak berak erabakiko du kidegaiek egin beharreko ekarpen ekonomikoa zenbatekoa izango den horrelakorik egin beharra dagoenean.

11. Artikulua. Kide atxikiak.

Sortze-eskritura egiletsi ondoren, aurreko artikuluan aurrikusitako epearen barnean, Fundazioa-ren kide bihur daitezke, atxikien izaerarekin,



fundazioaren helburuak lortzeko iharduera edo ekarpen baliagarriak eskain ditzaketen pertsona fisiko eta juridikoak.

Kide atxiki bihurtzeko eskaerek Patronatuaren kideen gehiengo absolutuaren aldeko botoa beharko dute eta Patronatuak erabakiko du kidegaiek egin beharreko ekarpen ekonomikoa zenbatekoa izango den horrelakorik egin beharra dagoenean.

12. Artikulua. Ohorezko kideak.

Fundazioaren helburua lortzeko bidean nabarmendu diren edo nabarmentzen ari diren pertsona fisiko edo juridikoak ohorezko kide izendatu ahal izango ditu Patronatuak.

III. KAPITULUA. GOBERNU, ORDEZKAPEN ETA ADMINISTRAZIO-ORGANOAK.

13. Artikulua. Patronatua.

Aplika dakizkiokeen indarreango xedapenetan ezarritako mugak soilik izango dituela, Fundazioaren ordezkapena, gobernua eta administrazioa Patronatuari dagozkio erabat. Honek Fundazioaren iharduera eraginkortasunez burutzeko zuzenbidez legozkiokeen ahalmen eta botere guztiak erabiliko ditu eta, besteak beste, Estatutu hauek interpretatzekoa.

Aurrekoa kontutan hartuta ere, Patronatuak bere



EUSKO JAURLARITZA
GOBIERNO VASCO
JUSTIZIA, EKONOMIA, LAN
ETA GIZARTE SEGURANTZA SAHIA
Euzko Herriko Fundazioen Eragintza
DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Departamento de Fundaciones del País Vasco



F 8373375

kideetako batengan edo batzuengan eta baita kanpoko beste pertsona batengan edo batzuengan ere, fisiko zein juridikoak izan, delega ditzake bere ahalmen eta botere guztiak edo hauetakoren bat, kontu eta aurrekontuen onarpena eta Babesletzaren baimena behar duten edo Fundazioaren gestio arrunta gainditzeko egintzak salbu.

Aurreko paragrafoan aipatutako mugak kontutan hartuta, Patronatuak batzorde delegatu edo betearazle bat edo gehiago era ditzake, kasu bakoitzerako ahalmenak zehaztuz. Era berean, funtzio eta erantzukizun amankomun edo solidarioak izango dituzten ahaldun orokor edo bereziak izendatu ahal izango ditu.

Ordezkaritza eta ahaldun orokorren izendapen eta errelokazioak Fundazioen Erregistroan inskribatu beharko dira, auzitarako direnean salbu.

Patronatuko kideak dohainik arituko dira beren karguko lanetan. Nolanahi ere, funtzio horiek gauzatzean sortutako gastuen zenbatekoa berreskuratu



EUSKO ARLOA
GOBIERNO VASCO
JUSTIZIA, EKONOMIA
ETA GIZARTE SEGURANTZA
Bilbo (Bilbo) Fundazioen Erregistroa
DEPARTAMENTO DE JUSTIZIA
CONSEJO DE TRABAJO Y SEGURIDAD
Registro de Fundaciones de Euzkadi

ahal izango dute, egoki zurituz gero.

Aurrekoa kontutan hartuta ere, Patronatuak gobernu-organoko kideren bati edo beste hirugarren pertsonaren bati eman diezaioke gestioak edo bestelako iharduera batzuk Fundazioaren izenean burutzeko ardura, funtzio horietan aritzea diruz sarituz.

Patronatuko karguen iraupena bost urtekoa izango da, nahiz eta berriro ere epe bererako eta modu mugagabe batez hautatua izan daitekeen.

Patronatuko kideetza ezingo da inoiz delegatu.

14. Artikulua. Patronatuaren eskuduntzak.

Ordezkatzeko, erabakitzeko eta administraziorako eskuduntzarik zabalena erabiliz, Patronatuak era guztietako egintza edo zeregin juridikoak burutu ahal izango ditu, legeak ezarritako mugak soilik izango dituelarik.

15. Artikulua. Patronatuaren osakera.

Patronatua Estatutu hauetan aurreikusitako eran izendatutako hiru partaide edo Patronatu-kidek gutxienez osatuko dute. Gehienez ere, hamabost partaide edo Patronatu-kide izango dira.

Lehen Patronatu-kideak Sortze-Gutunean izendatuko dira bost urterako.

Aurrerantzean, Patronatu-kideren izendapena





F 8373376

Estatutuen 22. artikulua araberako egingo da.


16. Artikulua. Lehendakaria.

Patronatuak Lehendakari bat izendatuko du bere kideen artean, eta honen ardurapekoa izango da Patronatuaren bileretarako deia bere ekimenez edo kideen heren baten eskariz zabaltzea, baita bertako eztabaidak zuzendu eta akordioak gauzatzea ere.

Patronatuko Lehendakariak, organo honetako kide izateagatik dagozkion ahalmenez eta Estatutu hauek esleitzen dizkionetaz gain, Fundazioa ordezkatzekoa ere badu, dela Patronatu-Batzordearen eta Fundazioaren beste zenbait organoren erabakien ondorio diren ekitaldi eta kontratuetan, dela gerta litezkeen auzi, espediente, iharduera administratibo, gobernatibo, judizial eta judizioz kanpokoetan, auzijartzaile nahiz demandatu gisa edo bestelako edozein izaerarekin, eta Prokuradore zein Abokatuak auzitarako orokorrean ahaldundutako eskumena ere badu.

17. Artikulua. Idazkaria.

Patronatuak bere kideen edo hirugarren pertsonen



artean Idazkari bat izendatuko du. Honen eginkizunak Fundazioaren lan administratiboen zuzendaritza, dokumentazioaren zaintza eta bilkuretako Aktak jasotzea dira. Hauek onartu eta Lehendakariaren oniritzia jaso ondoren, Akta-liburura transkribatuko dira. Patronatuak kargu honi dagozkion eginkizunak betetzeagatik ordainsari egokia ezarri ahal izango du.

18. Artikulua. Lehendakariordea.

Patronatuak Lehendakariorde bat izendatu ahal izango du bere kideen artean, Lehendakaria kanpoan edo gaixorik denean bere ordezeko izan dadin eta berak eskatuta lagun diezaion.

19. Artikulua. Diruzaina

Patronatuak diruzain bat izendatu ahal izango du bere kideen artean, Patronatuak definituko dituen funtzioak betetzeko, eta halako ordainsaria finkatu ahal izango du.

20. Artikulua. Patronatuaren jardun-arauak.

Patronatua urtean bitan gutxienez bilduko da. Urteko lehen hiruhilabetekoan nahitanahiez bilduko da aurreko ekitaldiko aurrekontu arruntaren eta balantzearen likidazioari eta urte horretako ihardueren Memoriari onespena emateko.



EUSKO JAUNTATZAK
GOBIERNO VASCO
JUSTIZIA, EKONOMIA LAN
ETA GIZARTE SEGURANTZA SAILEK
Eusko Herriko Funtzioen Erregimenak
DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Regimen de Funciones del País Vasco



F 8373377

Lehendakariak egingo ditu bilera-deialdiak, bilera-data baino hamar egun lehenago gutxienez eta Eguneko Gai-Zerrenda bertan adieraziz.

21. Artikulua. Eraketa eta akordioak

Patronatuaren eraketa baliozkotzat jotzeko, lehenengo deialdian bere kideen erdia gehi bat behar da; bigarren deialdian berriz, edozein kopuru nahikoa izango da.

Aurreko paragrafoetan ezarritakoa kontutan hartuta ere, Patronatua deitutzat eta balioz eratutzat joko da bere kide guztiak bertaratu eta bilera egitea aho batez onartzen dutenean.

Akordioak botoen gehiengoaren bidez erabakiko dira, ondorengo kasuetan izan ezik:

a) Estatutuen aldaketei, Fundazioaren fusio edo iraungipenari, patronatu-kideak izendatzeari (bai Patronatua zabaltzeko bai kideak ordezkatzeko edo dauden hutsuneak betetzeko) eta sortzaile-izaerako eskaeren onespenei buruzko akordioetan. Kasu hauetan, Patronatuko kideen hiru laurdenen aldeko botoa

GOBIERNO VASCO
JUSTIZIA, EKONOMIA, LAN
ETA GIZARTE SEGURANTZA SAHA
Euzko Herriko Funtsakoen Erregistroa
DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Registro de Fundaciones del País Vasco

beharko da gutxienez.

b) Aldeko botoen bestelako gehiengo edo quorum bat ezarria duen edozein akordiotan.

Lehendakariaren botoak argituko ditu berdinketa-kasuak.

22. Artikulua. Patronatu-kide berriak izendatu eta hutsuneak betetzea.

Patronatua zabaldu edo bertako kideak ordezkatu behar direnean, patronatu-kide berriak izendatzeko akordioa Patronatuak hartu beharko du, gutxienez bere kideen hiru laurdenen aldeko botoez.

Heriotza, ezgaitasun, desgaitasun, agintaldiaren-iraungipen, kargua uzte, kargutik kentze edo Patronatuaren kide izateari uzteko beste edozein arrazoi dela kausa gertatzen diren hutsuneak betetzeko erabakia ere Organo beroni dagokio, gutxienez bere kideen hiru laurdenen aldeko botoez hartutako akordioaren bidez.

Aurrekoa kontutan hartuta ere, hutsuneak gertatzen direnean Patronatuak kide berriak izendatu edo hutsuneak ez betetzea hauta dezake, betiere, hiru kideko gutxienerako mugaraino.

IV. KAPITULUA. FUNDAZIOAREN XEDEA ETA ONURADUNAK

23. Artikulua. Xedea eta onuradunak.



EUSKO JAURLARITZA
GOBIERNO VASCO

JUSTIZIA, EKONOMIA LAN
ETA GIZARTE SEGURANTZA SAHIA
Rustegi Institutu Fundazioaren Erregidorea
DEPARTAMENTO DE JUSTICIA
TRABAJO Y SEGURIDAD SOCIAL
Regidore de Fundazioaren Erregidorea



F 8373378

Fundazioaren helburua interes orokorrekoa da eta Fundazioaren onuradun edozein pertsona natural edo juridiko izan daiteke, inolako diskriminaziorik gabe.

Fundazioak bere onuradunei emandako-zerbitzuen truke zenbateko bat ordaintzea galdatzen dienean, zenbateko horren ordainketa edo abonua egitearren bakarrik zehaztuko ditu Fundazioak onuradun. Era berean, Fundazioak eskainitako zerbitzuen izaera dela eta, onuradunen kopurua mugatu beharra dagoenean, hauek hautatu eta zehaztea Fundazioaren Patronatuak egingo du eta ez da atzera egiterik izango erabaki horretan. Horretarako, hautagai bakoitzaren meritua, premia, gaitasun ekonomiko eta aprobetxamendurako aukera desberdinak edo beste ezaugarri objektiboak baloratu eta hautatuko du. Nolanahi ere, inork ezin izango du Fundazioaren edo bere organoen aurrean alegatu onura horien gozamina, ez indibidualki ez taldean ere, ematen diren arte, ezta pertsona jakinei hauek esleitzea ezarri ere.

V. KAPITULUA. ONDAREA ETA ERREGIMEN EKONOMIKOA



EUSKAL GOBIERNOA
JUSTIZIA, EKONOMIA, ENERGI
ETA GIZARTE SEGURANTZA
Departamento de Justicia, Econo
mía, Trabajo y Seguridad Social
Ministerio de Justicia, Econo
mía, Trabajo y Seguridad Social

24. Artikulua. Fundazioaren ondarea.

Fundazioaren ondarea indarrean dagoen legeriak baimentzen dituen era guztietako ondasun eta eskubideez osatu ahal izango da.

Ondorengoek osatzen dute Fundazioaren ondarea:

a) Sortze-eskrituran jasotzen den hasierako zuzkidurak.

b) Kide sortzaile eta atxikien ekarpen eta kuota arrunt eta ohizkanpokoak eta Patronatuaren kideek beren borondatez egin nahi dituzten ekarpen eta ordaindu nahi dituzten kuota arrunt eta ohizkanpokoak.

c) Etorkizunean Fundazioak entitate publiko edo pribatutatik edota partikularrengandik eskura ditzakeen kostu bidezko edo dohainezko beste edozein ondasun edo eskubidek, bereziki subentzio, dohaintza, herentzia edo legatuek. Dohaintza, legatu eta herentzien onarpena Babesletzari jakinarazi beharko zaio.

d) Fundazioak burututako ihardueren eta ondarearen fruitu edo errentek, produktu edo irabaziek eta eman ditzakeen zerbitzuengatik ordainketek, betiere indarrean dagoen legeriaren arabera.



25. Artikulua. Ondarearen zaintza.



EUSKO JAURLARITZA
GOBIERNO VASCO

JUSTIZIA, EKONOMIA, LAN
ETA GIZARTE SEGURANTZA BAILA
Prestak Herriko Fundazioen Erregistroa

DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Registro de Fundaciones del País Vasco



F 8373379

Fundazioaren ondarea zaintzeko ondorengoak izan beharko dira kontuan:

a) Sortze-ondarea osatzen duten ondasun eta eskubideak Fundazioaren izenean egongo dira eta bere inbentarioan jasoko dira. Gainera, eta hala dagokienean, bakoitzari dagokion Erregistroan inskribatuko dira.

b) Ondasun higiezinak eta/edo eskubide errealak Jabetza Erregistroan inskribatuko dira Fundazioaren izenean. Inskribagarriak diren gainerako ondasunak, dagozkien erregistroetan inskribatuko dira.

c) Baloreak Patronatuak izendatutako finantz erakundeetan gordailatuko dira. Gainerako ondasun higigarri, jabetza-titulu, gordailu-egiaztagiri eta jabari, edukitza, usaera, gozamen edo Fundazioaren beste edonolako eskubide frogatzen duen edozein dokumenturen zaintza Patronatuaren edo honek eskuordetutako pertsonaren ardura da.

d) Fundazioaren ondasun eta eskubide guztiak Patronatuaren idazkariaren ardurapeko erregistro-



ERIKO JANTZU
GOBIERNO VASCO
JUSTIZIA, EKONOMIA, LAN
ETA GIZARTE SEGURANTZA SAHIA
Eusko Herriko Fundazioen Erregistroa
DEPARTAMENTO DE JUSTICIA
CONSEJO DE TRABAJO Y SEGURIDAD SOCIAL
Registro de Fundaciones del País Vasco

liburuan jasoko dira.

e) 12/1994 Legearen, Ekainaren 17koaren, 22. artikulua biltzen dituen egintza guztiak Fundazio- Erregistroan jasoko dira, hala dagokienean bakoitzari dagokion Erregistroan egindako inskripzioa ere egin ahal izango delarik.

26. Artikulua. Erregimen ekonomikoa.

Patronatuak urtero burutuko ditu Fundazioaren egoera ondarezkoa, ekonomikoa eta finantzarioa jasoko dituzten inbentarioa, egoera-balantzea eta emaitza-kontua alde batetik eta, beste aldetik, fundazioaren helburua betetzen ari dela azaldu eta frogatzen duen ekitaldi ekonomikoari dagokion Memoria. Memoriak finantz taulak eta ondarean eta gobernu-edo zuzendaritza-organoetan izandako edozein aldaketa jasoko ditu.

Horrez gain, Patronatuak ondorengo ekitaldirako gastu eta sarreraren aurrekontu bat prestatuko du urtero, Memoriarekin batera, Babesletzari aurkezteko indarrean dagoen legeriaren arabera.


Gastu eta sarrera arruntak jasotzen dituen aurrekontuan Fundazioak edozein kontzepturengatik eskuratzen dituen sarrerak agertuko dira eta sarreraren soberakinak Fundazioaren ondarea handitzeko erabili



EUSKO LANBIDEA
GOBIERNO VASCO

JUSTIZIA, EKONOMIA, LAN
ETA GIZARTE SEGURANTZA SAILE
Basque Ministry of Justice, Economy and Social Security

DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Basque Department of Justice, Economy and Social Security



F 8373380

ahal izango dira.

Ekitaldian zehar, Patronatuaren Juntak, sortzen diren beharretara egokitzeko beharrezko edo egoki deritzen aldaketak egin ahal izango ditu aurrekontuan.

Patronatuak ohizkanpoko aurrekontuak prestatuko ditu ohizkanpoko iharduerak burutzeko beharrezkoak direnean. Aurrekontu guztiek, arruntek zein ohizkanpokoek, orekatuak izan beharko dute.

Fundazioaren sarreren erabilera 12/1994 Legeak, ekainaren 17koak, 30. artikuluan xedatutako aurrikuspenen arabera egingo da.

Ekitaldi ekonomiko bakoitzaren lehen hiru hilabeteetan Patronatuak aurreko ekitaldiko aurrekontu arruntaren likidazioa eta balantzea egingo ditu eta ekitaldi horretako ihardueren eta gestio ekonomikoaren Memoria, zeinek Fundazioaren helburua gauzatzeari eta Fundazioaren ondarearen egoerari buruzko ikuspegia lortzeko nahikoa informazio bilduko baititu.



GOBIERNO VASCO

JUSTIZIA, EKONOMIA, LAN
ETA GIZARTE SEGURANTZARIAN
Euzkadi Herriko Fundazioen Erregistroa

DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Registro de Fundaciones del País Vasco

VI. KAPITULUA. ALDAKETA, FUSIOA ETA IRAUNGIPENA

27. Artikulua. Estatutuak aldatzea.

Patronatuak Estatutu hauek aldatu ahal izango ditu, betiere, Fundazioaren helburua hobeto betetzeko xedearekin. Aldaketarako akordioa gutxienez bere kideen hiru laurdenen aldeko botoekin hartuko da.

28. Artikulua. Fusioa, elkarketa edo federazioa.

Era berean, Patronatuak antzeko helburuak dituen beste entitate bat edo zenbaitekin fusionatzea, elkartzea edo federazioa sortzea erabaki dezake, betiere Fundazioaren helburua behar bezala jasotzen dela ziurtatuz. Akordioak gutxienez bere kideen hiru laurdenen aldeko botoak beharko ditu.

Fusioaren kasurako akordioa arrazoitua izango da eta Babesletzaren onarpena beharko du indarrean dagoen legeriaren arabera.

29. Artikulua. Iraungipena.

Fundazioa ondorengo arrazoi hauengatik iraungi daiteke:

- a) Ondarearen likidazioa.
- b) Legezko xedapena.
- c) Ebazpen judizial irmoz desegiten denean.
- d) Aurreko artikuluan ezarritakoaren arabera erabakitako fusioprozesu baten ondorioz.



EUSKO FAMILIARRIA
GOBIERNO VASCO

JUSTIZIA, EKONOMIA, LAN
ETA GIZARTE SEGURANTZA ZAILA
Justizial Herriko Fundazioen Erregistroa

DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Registro de Fundaciones del País Vasco



F 8373381

e) Patronatua ez den eta honen onespen espresurik gabeko pertsona, agintaritza edo beste jurisdikzio bat, sortze-gutunak edo Estatutu hauek xedatutakoa errebokatzen okertzen edo aldatzen saiatzen denean.

f) Estatuak, edozein Komunitate Autonomok edo beste edozein Erakunde, Korporazio, agintaritza edo Auzitegik Sortze-Gutunean eta Estatutu hauetan isladatzen den fundatzaileen borondatea okertu, mugatu, aldatu, oztopatu edo beste edozein eratan ez errespetatu, aintzakotzat hartu edo gorde edota bete nahi ez izatea gertatzen denean.

g) Fundazioaren baliabideen eskasia edo beste edozein arrazoi dela medio, sortze-gutunean eta Estatutu hauetan jasotzen diren aurrikuspenen arabera, Fundazioaren helburua betetzea ezinezko gertatzen denean eta betiere, Patronatuak bere kideen hiru laurdenen aldeko gehiengoarekin Estatutuak aldatzea edo beste Fundazio batekin fusionatu edo elkartzea erabakitzen ez baldin badu.

30. Artikulua. Prozedura.


EUSKAL GOB. ERNOYA
JUSTIZIA, EKONOMIA, LAN
ETA GIZARTE SEGURANTZA AR.
Eusko Herriko Fundazioen Enplegaritza
DEPARTAMENTO DE JUSTICIA
ECONOMIA, TRABAJO Y SEGURIDAD SOCIAL
Registro de Fundaciones del País Vasco

-Fundazioa iraungitzeko espediente bat irekiko da,

bertan honako hauek jasoko direlarik:

- a) Horretarako zioaren azalpen arrazoitua.
- b) Fundazioaren balantzeara.
- c) Likidatzaileak izendatzeko proposamena, hauen iharduera-programa eta Fundazioaren ondarearen edo honen salmentaren ekoizkinen banaketarako proiektua. Aipatutako banaketa edo esleipena Patronatuak erabaki eta burutuko du askatasun osoz, ondare horren onuradunak interes orokorreko beste ekintza zein erakunde batzuk izendatuz. Horren ezean, legeak aurrikusitakoaren arabera eta antzeko helburuak, alegia, sortze-gutunean adierazitako helburu edo xede berberak dituzten eta Fundazioak burutzen zituen egitasmoen parekoak burutzen dituzten beste Fundazio pribatuak edo erakunde pribatuak izango diran onuradunak.

~~Xanti Jara~~

~~Zoco Lahu~~

~~ca. 1970~~

~~Marte Idrografa~~

~~Puerto Rico~~

~~Ajoremartinez~~

~~Centru de ospital~~

~~H. Hiriad~~

~~Nº Aceleroz Mucic~~

~~Jhon Oreginal~~

~~Ls Jeni Catala~~

~~d. Gmian~~

~~Antig Lekun~~